

ვებსაიტის მოხმარების, პერსონალური ინფორმაციის დამუშავების, პროდუქტის მიწოდების, თანხის ჩამოჭრის და დაბრუნების წესები და პირობები და კონფიდენციალობის პოლიტიკა

1. მოქმედების სფერო

- 1.1. წინამდებარე დოკუმენტი წარმოადგენს მომხმარებელსა და შპს ემბერს (შემდგომში “კომპანია”) შორის დადებულ საავტოტო მართვის მქონე შეთანხმებას და არეგულირებს მომხმარებლის მიერ შპს ემბერის კუთვნილი ვებსაიტის - aiwa-IT.ge-ს მოხმარების, პერსონალური ინფორმაციის დამუშავების, პროდუქტის მიწოდების, თანხის ჩამოჭრის და დაბრუნების წესებს და პირობებს და კონფიდენციალობის პოლიტიკას (შემდგომში ერთიანად ნახსენები, როგორც “წესები და პირობები”).
- 1.2. მომხმარებელი ვებსაიტის (aiwa-IT.ge) გამოყენებით ან/და პროდუქტის შეძენით ადასტურებს, რომ ყურადღებით გაეცნო და შეთანხმდა წინამდებარე წესებს და პირობებს.

2. განმარტებები

- 2.1. წინამდებარე წესებსა და პირობებში გამოყენებული ტერმინები განმარტდება შემდეგნაირად:
- 2.2. ვებსაიტი იგივე aiwa-IT.ge - კომპანიის ონლაინ მაღაზია, რომლის მეშვეობითაც ხდება მომხმარებლის მიერ ნივთის შეკვეთა/შეძენა;
- 2.3. მომხმარებელი - ფიზიკური ან იურიდიული პირი, რომელიც აკმაყოფილებს წინამდებარე წესებით და პირობებით გათვალისწინებულ მოთხოვნებს და სურს კომპანიისაგან შეიძინოს ვებსაიტის საშუალებით შემოთავაზებული პროდუქტები;
- 2.4. კომპანია - შპს ემბერი (ს.კ. 405145757), რომელიც რეგისტრირებულია და ოპერირებს საქართველოს კანონმდებლობის შესაბამისად.
- 2.5. მხარეები - კომპანია და მისი მომხმარებლები;
- 2.6. ნივთი - შპს ემბერის მიერ მომხმარებლისათვის შეთავაზებული საქონელი/პროდუქცია.

3. განცხადებები და გარანტიები

- 3.1. წინამდებარე წესებსა და პირობებზე თანხმობით, მომხმარებელი ასევე ადასტურებს, რომ:
 - 3.1.1. არის 18 წელს მიღწეული ფიზიკური პირი;
 - 3.1.2. გააჩნია სრული (შეუზღუდავი) ქმედუნარიანობა, არ იმყოფება ნარკოტიკული, ალკოჰოლური, ფსიქოტროპული ან ტოქსიკური პრეპარატების ზემოქმედების ქვეშ;
 - 3.1.3. არ იმყოფება ზეწოლის, მუქარის ან ნებისმიერი მართლსაწინააღმდეგო ზემოქმედების ქვეშ;
 - 3.1.4. სრულად აცნობიერებს საკუთარი ნების გამოვლენის შინაარსს, პირობების დებულებათა არსს და მისგან გამომდინარე სამართლებრივ შედეგებს;
 - 3.1.5. აქვს სრული უფლებამოსილება იმისათვის, რომ შეასრულოს ამ წესებით და პირობებით გათვალისწინებული ვალდებულებები;
 - 3.1.6. გაეცნო ამ წესებს და პირობებს, არის მისთვის მისაღები და შეთანხმდა მას;
 - 3.1.7. მის მიერ წარმოდგენილი ყველა მონაცემი/ინფორმაცია არის უტყუარი, ზუსტი და სრული;
 - 3.1.8. ვებსაიტით სარგებლობის პერიოდში მისი საქმიანობა ან/და ქმედება შესაბამისობაში არის/იქნება ადგილობრივ და საერთაშორისო კანონმდებლობასთან.
 - 3.1.9. კეთილსინდისიერად, სრულად და ჯეროვნად შეასრულებს წესებით და პირობებით ნაკისრ ვალდებულებებს;
 - 3.1.10. გაეცნო კომპანიის ვებსაიტზე (aiwa-IT.ge) გამოქვეყნებულ ნივთის საგარანტიო პირობებს, არის მისთვის მისაღები და შეთანხმდა მას;
 - 3.1.11. დაუყოვნებლივ წერილობით აცნობებს კომპანიას ყველა იმ გარემოებ(ებ)ის შესახებ, რომელიც შეიძლება წინააღმდეგობაში მოვიდეს მის აღნიშნულ განცხადებებთან ან/და გამოიწვიოს აღნიშნული გარანტიების დარღვევა.
 - 3.1.12. გაეცნო საიტზე გამოქვეყნებულ კომპანიის საკონტაქტო ინფორმაციას, რომელიც არის Facebook Messenger და ელ. ფოსტა და ეს საკომუნიკაციო არხები კომპანიასთან დასაკავშირებლად არის მისთვის საკმარისი და მისაღები.

4. უფლებები და ვალდებულებები

- 4.1. შეკვეთის განთავსების დროს მომხმარებელი ვალდებულია კომპანიას მიაწოდოს შემდეგი ინფორმაცია:
 - 4.1.1. სახელი და გვარი
 - 4.1.2. ელ. ფოსტა
 - 4.1.3. ნივთის მიწოდების მისამართი
 - 4.1.4. საკონტაქტო ტელეფონის ნომერი
 - 4.1.5. პირადი ნომერი (საჭიროების შემთხვევაში).
- 4.2. შეკვეთის განთავსების/პროდუქტის შეძენის პროცესში მომხმარებელი ვალდებულია განაცხადოს თანხმობა წინამდებარე წესებსა და პირობებზე.
- 4.3. მომხმარებელი ვალდებულია დაუყოვნებლივ დაუკავშირდეს კომპანიას, იმ შემთხვევაში თუ მას გააჩნია საფუძვლიანი ეჭვი, რომ მისი პირადი და საბანკო ინფორმაციის გამოყენებით, რომელიც იქნა მოპარული, დაკარგული, უკანონოდ მითვისებული, უნებართვოდ გამოყენებული ან სხვაგვარად მითვისებული მოხდა

შეკვეთის გაფორმება და ანგარიშსწორება. აღნიშნული ვალდებულების შეუსრულებლობა გამოიწვევს მომხმარებლის პასუხისმგებლობას ნებისმიერ დანაკარგთან/ზარალთან დაკავშირებით.

- 4.4. მომხმარებელი ვალდებულია, უზრუნველყოს შეკვეთის დროს მიწოდებული მისი პირადი ინფორმაციის (სახელი, გვარი, პირადი ნომერი, საკონტაქტო ტელეფონი და მიწოდების მისამართი) სიზუსტე. კომპანია არ იქნება პასუხისმგებელი მომხმარებლის მიერ აღნიშნული ვალდებულების შეუსრულებლობით გამოწვეულ არანაირ ზიანზე. კომპანია უფლებამოსილია, ნებისმიერ დროს მოითხოვოს მომხმარებლისგან ინფორმაციის სისწორის დადასტურება ან დოკუმენტების ან სხვაგვარი მტკიცებულების წარმოდგენა.
- 4.5. კომპანია უფლებამოსილია მომხმარებელს ცალმხრივად, შეტყობინების გარეშე შეუწყვიტოს ან შეუზღუდოს უფლება, ისარგებლოს ვებსაიტით.
- 4.6. მომხმარებელი უფლებამოსილია ნებისმიერ დროს შეწყვიტოს კომპანიის ვებსაიტის გამოყენება, რაც არ იწვევს წინამდებარე შეთანხმებით გათვალისწინებული ვალდებულებების შეწყვეტას.

5. შეკვეთის განთავსება, ანგარიშსწორება, მიწოდება და დაბრუნება

- 5.1. შეკვეთის განთავსებისთანავე ხდება სრული ანგარიშსწორება.
- 5.2. ანგარიშსწორება ხდება სრულად და მხოლოდ უნაღდო ფორმით.
- 5.3. მიწოდების საფასური შეადგენს 0 ლარს.
- 5.4. შეძენილი ნივთის მიწოდებას ხდება შემდეგნაირად:
 - 5.4.1. 11:00 საათამდე განთავსებული შეკვეთის თბილისის მასშტაბით მიწოდება ხორციელდება იმავე დღეს მაქსიმუმ 23:00-მდე;
 - 5.4.2. 11:00 საათის შემდეგ განთავსებული შეკვეთის თბილისის მასშტაბით მიწოდება ხორციელდება მომდევნო დღის მაქსიმუმ 23:00-მდე;
 - 5.4.3. რეგიონების მასშტაბით მიწოდება ხორციელდება 2-4 სამუშაო დღეში;
 - 5.4.4. შეკვეთის მიწოდებამდე ცოტა ხნით ადრე კურიერი უკავშირდება მომხმარებელს და ატყობინებს, რომ მის მისამართზე მიაქვს შეკვეთა.
- 5.5. მომხმარებელს უფლება აქვს 14:00-მდე შეძენილი ნივთი 16:00 საათამდე თავად გაიტანოს საწყობიდან. მომხმარებელს ამ უფლებით სარგებლობა შეუძლია მხოლოდ იმ შემთხვევაში თუ იგი შეკვეთისთანავე შეატყობინებს კომპანიას, რომ თავად აპირებს ნივთის გატანას საწყობიდან.
- 5.6. იმ შემთხვევაში თუ მომხმარებლის მიზეზით არ/ვერ მოხდება ნივთის მიწოდება/ჩაბარება, ნივთის მიწოდება დაიგეგმება ახლიდან. ყოველი ახალი დამატებით დაგეგმილი მიწოდების ღირებულება შეადგენს 10.00 ლარს. დამატებით დაგეგმილი მიწოდების საფასურს მომხმარებელი იხდის წინასწარ უნაღდო ანგარიშსწორებით.
- 5.7. თუ შეკვეთის დაფიქსირებიდან და ანგარიშსწორებიდან მაქსიმუმ 30 წუთის განმავლობაში მომხმარებელი გადაწყვეტს შეკვეთის გაუქმებას, რის შესახებაც ელ-ფოსტის ან Facebook Messenger-ის მეშვეობით აცნობებს კომპანიას, მას გადახდილი თანხა დაუბრუნდება სრულად.
- 5.8. თუ შეკვეთის დაფიქსირებიდან და ანგარიშსწორებიდან მაქსიმუმ 24 საათის განმავლობაში მომხმარებელი გადაწყვეტს შეკვეთის გაუქმებას, რის შესახებაც ელ-ფოსტის ან Facebook Messenger-ის მეშვეობით აცნობებს კომპანიას, მას დაუბრუნდება გადახდილი თანხის 95%, ხოლო 24 საათის გასვლის შემდეგ 90%.
- 5.9. შეძენილი ნივთის დაბრუნება ხდება მხოლოდ საგარანტიო პირობების შესაბამისად.

6. მოქმედების ვადა, ცვლილებები და შეწყვეტა

- 6.1. შეთანხმების ის ნაწილები, რომლებიც ეხება ნივთის შეძენასა და მიწოდებას ძალაში შედის და ძალაში რჩება შეკვეთის განთავსებიდან მის დასრულებამდე, ხოლო ის ნაწილები, რომლებიც ეხება პერსონალური მონაცემების დამუშავებას ძალაში შედის და ძალაში რჩება შეკვეთის განთავსებიდან მომხმარებლის მიერ ამ შეთანხმების პუნქტი 8.2.3-ით განსაზღვრული უფლების გამოყენებამდე.
- 6.2. კომპანია უფლებას იტოვებს, ნებისმიერ დროს, ცალმხრივად, მომხმარებლისთვის წინასწარი შეტყობინების და მომხმარებლის დამატებითი თანხმობის გარეშე ვებსაიტზე - aiwa-IT.ge-ზე გამოქვეყნების გზით, შეიტანოს ცვლილებები ამ წესებსა და პირობებში. მომხმარებელი ვებსაიტის სარგებლობით ავტომატურად ეთანხმება და უერთდება განხორციელებულ ცვლილებებს.

7. ფორს-მაჟორი

- 7.1. მხარეებს არ ეკისრებათ პასუხისმგებლობა ამ შეთანხმებით ნაკისრი ვალდებულებების შეუსრულებლობისათვის, თუკი ეს გამოწვეულია ფორს-მაჟორული ვითარების გამო, რომლის წინასწარ განზრახვა, აცილება ან მასზე ზემოქმედება შეუძლებელი იყო შესაბამისი მხარის ან მხარეთა ერთობლივი ძალისხმევით.
- 7.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული დამკვეთის ან/და შემსრულებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.
- 7.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა აცნობოს მეორე მხარეს ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების

შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

8. პერსონალური ინფორმაცია და კონფიდენციალობა

- 8.1. კომპანია ახდენს პერსონალური მონაცემების დამუშავებას შემდეგი მიზნებისათვის:
 - 8.1.1. შეკვეთების მიღება, დამუშავება და გადახდა უნაღდო ანგარიშსწორების მეთოდით.
 - 8.1.2. სასარგებლო ინფორმაციის ან სპეციალური შეთავაზებების დაგზავნა.
 - 8.1.3. შეკვეთის და მიწოდების სტატუსის შესახებ ინფორმაციის გაგზავნა.
 - 8.1.4. ბაზრის სტატისტიკა და ანალიტიკა.
- 8.2. მომხმარებლის თანხმობა პერსონალური მონაცემების გამოყენებაზე
 - 8.2.1. მომხმარებელი ვებსაიტის გამოყენებით ასევე აცხადებს თანხმობას პირდაპირი მარკეტინგის მიზნებისთვის კომპანიამ შეინახოს და დამუშავოს მომხმარებლის პირადი მონაცემები (სახელი და გვარი, ელ-ფოსტის მისამართი და ტელეფონის ნომერი, აუცილებელი საჭიროების შემთხვევაში პირადი ნომერი).
 - 8.2.2. მომხმარებელი ვებსაიტის გამოყენებით ასევე აცხადებს თანხმობას კომპანიამ გადასცეს მისი საკონტაქტო ინფორმაცია მესამე მხარე(ებ)ს ნივთის მიწოდების მიზნებისათვის.
 - 8.2.3. მომხმარებელი იტოვებს უფლებას ნებისმიერ დროს მოსთხოვოს კომპანიას მისი პერსონალური მონაცემების გასწორება, განახლება ან წაშლა/განადგურება კომპანიის ვებსაიტზე მოცემულ ელ-ფოსტაზე (aiwa@amber.ge) წერილობითი შეტყობინების გაგზავნის გზით. ასეთ დროს კომპანია ვალდებულია მოთხოვნის მიღებიდან 15 (თხუთმეტი) დღის ვადაში გაასწოროს, განახლოს, ან წაშალოს/განადგუროს მონაცემები.
- 8.3. პერსონალური მონაცემების დაცვა:
 - 8.3.1. კომპანია ზრუნავს პერსონალური მონაცემების დაცვაზე და იცავს მომხმარებლის კონფიდენციალობას პერსონალურ მონაცემთა დამუშავების შესახებ გამოყენებად ნორმატიულ აქტებში ასახული დებულებების შესაბამისად.
 - 8.3.2. კომპანია მიმართავს ყველა აუცილებელ ორგანიზაციულ, ადმინისტრაციულ, ტექნიკურ, ფიზიკურ და უსაფრთხოების სხვა ზომებს პერსონალური მონაცემების უსაფრთხოების უზრუნველსაყოფად.
 - 8.3.3. როგორც კი ცნობილი გახდება პერსონალური მონაცემების დაცვის წესების დარღვევის შესახებ, კომპანია ვალდებულია დაუყოვნებლივ აცნობოს მომხმარებლის შესახებ საზედამხედველო ორგანოებს.
 - 8.3.4. კომპანია ვალდებულია იღებს ღონისძიებებს კონფიდენციალობის პოლიტიკა და მომხმარებლის არანაირი პერსონალური ინფორმაცია არ გადასცეს მესამე მხარეს გარდა მომხმარებლის საკონტაქტო ინფორმაციისა, რომელიც აუცილებელია ნივთის მიწოდებისათვის.

9. გარდამავალი დებულებები

- 9.1. წინამდებარე წესებსა და პირობებში აღნიშნული სათაურები გამოიყენება მხოლოდ მოხერხებულობისთვის და არ აქვს ზეგავლენა პუნქტების განმარტებასა და ინტერპრეტაციაზე;
- 9.2. მოთხოვნის შემთხვევაში, მომხმარებელი ვალდებულია კომპანიას მიაწოდოს ნებისმიერი დამატებითი ინფორმაცია და ასევე წარმოადგინოს შესაბამისი დამადასტურებელი დოკუმენტები, რომლებსაც კომპანია მოითხოვს ან განსაზღვრულია საქართველოს კანონმდებლობით;
- 9.3. თუ წინამდებარე წესების და პირობების რომელიმე პუნქტი ან მისი ნაწილი რაიმე მიზეზით იქნა გაუქმებული, ბათილად ცნობილი ან შეწყვეტილი, აღნიშნული არ იქონიებს გავლენას წესების და პირობების დანარჩენი პუნქტების ნამდვილობაზე;
- 9.4. მომხმარებელს, არ აქვს უფლება კომპანიის თანხმობის გარეშე ამ წესებიდან და პირობებიდან გამომდინარე უფლებები ან ვალდებულებები გადასცეს სხვა პირ(ებ)ს. თანხმობად ჩაითვლება მხოლოდ კომპანიის მიერ მომხმარებელთან გაგზავნილი ელ-ფოსტა;
- 9.5. მხარეთა მიერ, ამ წესების და პირობების შესრულების ადგილად მიჩნეულია საქართველო და წინამდებარე წესები და პირობები რეგულირდება და განმარტდება საქართველოს კანონმდებლობის შესაბამისად;
- 9.6. იმ შემთხვევებში, რომლებიც არ არის გათვალისწინებული წინამდებარე წესებით და პირობებით, მხარეები იხელმძღვანელებენ საქართველოს კანონმდებლობით დადგენილი შესაბამისი ურთიერთობის მარეგულირებელი ნორმებით ან/და დამატებითი შეთანხმებ(ებ)ით.
- 9.7. ამ წესებთან და პირობებთან ან მის ინტერპრეტაციასთან დაკავშირებული ნებისმიერი დავა ან უთანხმოება გადაწყდება მხარეებს შორის მოლაპარაკების გზით.